



1.

BULLÆ
SEU
LITTERÆ APOSTOLICÆ.



INDEX

LITTERARUM APOSTOLICARUM.

PAULI III.

Regimini militantis. 27. *Septembris* 1540. *Prima Approbatio Instituti Societatis JESU, cum restrictione numeri ad Personas sexaginta.* Pag. III

Injunctum nobis. 14. *Martii* 1543. *Facultas quosvis idoneos ad Societatem JESU, sinè restrictione numeri admittendi, et Constitutiones condendi.* XI

Cùm inter. 3. *Junii* 1545. *Facultates concionandi, Confessiones audiendi, absolvendi, vota commutandi, et alia privilegia.* XVII

Exponi nobis. 5. *Junii* 1546. *Facultas Coadjutores admittendi, qui possint etiam ad Sacros Ordines promoveri.* XXI

Licèt debitum. 18. *Octobris* 1549. *Privilegia plurima, ad Societatis Regimen, et Ministeria.* XXIV

PII VII.

Sollicitudo omnium Ecclesiarum. 7. *Augusti* 1814. *Constitutio qua Societas JESU in statum pristinum in universo Orbe Catholico restituitur.* XLI.

LITTERÆ APOSTOLICÆ.

PAULI III.

PRIMA INSTITUTI SOCIETATIS JESU

APPROBATIO.

CUM RESTRICTIONE NUMERI

AD PERSONAS SEXAGINTA DUNTAXAT.

ANNO M. D. XL.

*PAULUS Episcopus servus servorum DEI,
ad perpetuam rei memoriam.*

Regimini militantis Ecclesiæ, meritis licet imparibus disponente Domino, præsidentes; et animarum salutem, prout ex debito pastoralis officii tenemur, sollicitis studiis exquirentes; fideles quoslibet, qui vota sua in id exponunt, Apostolici favoris gratiâ confovemus, aliasque desuper disponimus, prout temporum et locorum qualitate pensatâ, id in Dominum conspicimus salubriter expedire. Nuper siquidem accepimus, quod dilecti Filii, Iguatius de Loyola, et Petrus Faber, ac Jacobus Laynez, nec non Claudius Jajus, et Paschasius Broët, ac Franciscus Xavier, nec non Alfonsus Salmeron, et Simon Rodericus, ac Joannes Coduri, et Nicolaus de Bobadilla, Presbyteri Pampilonen. Gebuen. Seguntin. Toletan. Visen. Ebredunen. et Palentin. Civitatum, et diœcescon respectivè, in Artibus Magistri. in U-

PAULI III.

*Primi decem
Patres Societatis.*

PAULI III. versitate Parisiensi graduati, et in Theologicis studiis per plures annos exercitati; Spiritu Sancto, ut piè creditur, afflati, jam dudum è diversis mundi regionibus discedentes, in unum convenerunt, et Socii effecti, abdicatis hujus sæculi illecebris, eorum vitam perpetuo Domini Nostri JESU CHRISTI, atque nostro, et aliorum successorum nostrorum Romanorum Pontificum servitio dedicârunt; et jam quàm pluribus annis laudabiliter in vinea Domini se exer-

Prima Patrum exercitia. cuerunt; Verbum DEI præviâ sufficienti licentiâ publicè prædicando, fideles privatim ad bene beatèque vivendum exhortando, et ad pias meditationes excitando, hospitalibus inserviando, pueros et personas rudes, ea, quæ ad Christianam hominis institutionem sunt necessaria, docendo; et demum omnia charitatis officia, et quæ ad animarum consolationem faciunt, ubique terrarum, ubi peregrinati sunt, multa cum laude obeundo. Cùmque ad hunc aliam Urbem se contulerint, et in charitatis vinculo persistentes, ad perficiendam et conservandam eorum Societatis in Christo unionem, quamdam vivendi formam juxta ea, quæ ad propositum sibi finem conducere usu didicerunt, Evangelicis consiliis, et canonicis Patrum sanctionibus conformem ediderint; factum est, ut ipsorum Sociorum vitæ institutum, sub dicta formula comprehensum non solum à multis probis Viris et DEUM zelantibus laudetur; verùm etiam à quibusdam ità approbetur, ut illud etiam sequi velint. Formulæ autem prædictæ tenor sequitur, et est talis. Quicumque in Societate nostra, quam JESU nomine insigniri cupimus, vult sub crucis vexillo DEO militare, et soli Domino, atque Ro-

Instituti Societatis Formula.

mano Pontifici ejus in terris Vicario servire, post solemne perpetuæ castitatis votum, proponet sibi in animo, se partem esse Societatis, ad hoc potissimum institutæ, ut ad profectum animarum in vita, et doctrina Christiana, ad fidei propagationem per publicas prædicationes, et verbi DEI ministerium, spiritalia exercitia, et charitatis opera, et nominatim per puerorum ac rudium in Christianismo institutionem, ac Christi fidelium in Confessionibus audientis spiritualem consolationem præcipuè intendat; curetque primò DEUM, deinde hujus sui instituti rationem, quæ via quædam est ad illum, semper ante oculos habere, et finem hunc sibi à DEO propositum totis viribus assequi; unusquisque tamen secundum gratiam sibi à Spiritu sancto subministratam, et vocationis suæ proprium gradum, nè quis fortè zelo utatur, sed non secundum scientiam. Cujus proprii cujusque gradûs judicium, et officiorum discretio, ac distributio tota sit in manu Præpositi, seu Prælati per nos eligendi, ut congruus ordo servetur, in omni bene instituta communitate necessarius. Qui quidem Præpositus de consilio Consociorum, Constitutiones, ad constructionem hujus propositi nobis finis conducentes, in consilio condendi auctoritatem habeat, majori suffragiorum parte semper statuendi jus habente. Consilium verò intelligatur esse in rebus quidem gravioribus, ac perpetuis, major pars totius Societatis, quæ à Præposito commodè convocari poterit; in levioribus autem, et temporaneis, omnes illi, qui in loco, ubi Præpositus noster residebit, præsentibus esse contigerit. Jubendi autem jus totum penès Præpositum erit. Sciant omnes Socii,

PAULI III.
Patum castitatis.

Finis Instituti.

Institutio puerorum.

Officiorum distributio.

De condendis constitutionibus.

PAULI III. et non solum in primis professionis suæ foribus, sed quoad vixerint quodidie animo volvant, Societatem hanc universam, et singulos sub Sanctissimi Domini nostri Papæ, et aliorum Romanorum Pontificum successorum ejus, fidei obedientiâ DEO militare. Et quamvis Evangelio doceamur, et fide orthodoxâ cognoscamus, ac firmiter profiteamur, omnes Christi fideles Romano Pontifici, tamquam capiti, ac JESU CHRISTI Vicario subesse; ad majorem tamen nostræ Societatis humilitatem, ac perfectam uniuscujusque mortificationem, et voluntatum nostrarum abnegationem, summo perè conducere judicavimus, singulos nos ultra illud commune vinculum, speciali voto adstringi, ita, ut quidquid modernus, et alii Romani Pontifices pro tempore existentes jusserint, ad profectum animarum, et fidei propagationem pertinens, et ad quascumque Provincias nos mittere voluerint; sinè ulla tergiversatione, aut excusatione, illicò, quantum in nobis fuerit, exequi teneamur; sive miserint nos ad Turcas, sive ad quoscunque alios infideles, etiam in partibus, quas Indias vocant, existentes, sive ad quoscunque hæreticos, seu schismaticos, seu ad quosvis fideles. Quamobrem qui ad nos accessuri sunt, et antequam huic oneri humeros supponant, diu multùmque meditentur, an tantum pecuniæ spiritualis in bonis habeant, ut turrim hanc juxta consilium Dominicum possint consummare: hoc est, an Spiritus sanctus, qui illos impellat, tantum illis gratiæ polliceatur, ut hujus vocationis pondus, illo adjuvante, se laturos sperent: et postquam, Domino inspirante, huic JESU CHRISTI militiæ nomen dederint, die noctuque succincti lumbos, et ad

Speciale votum obediendi Romano Pontifici.

tam grandis debiti solutionem prompti esse debebunt. PAULI III.

Nè qua autem possit esse inter nos missionum, ac provinciarum hujusmodi, aut ambitio vel detrectatio; profiteantur singuli, se nunquam directè aut indirectè de hujusmodi missionibus quidquam cum Romano Pontifice curaturos: sed omnem hanc curam DEO, et ipsi Pontifici tanquam ejus Vicario, et Societatis Præposito dimissuros. Qui quidem Præpositus, sicut cæteri, etiam profiteatur, se nihil de suimetipsius missione in alterutram partem, nisi de Societatis consilio, cum dicto Pontifice esse curaturum. Voveant singuli se in omnibus, quæ ad Regulæ hujus nostræ observationem faciunt, obediētes fore Societatis Præposito. Ille autem jubcat ea, quæ ad constructionem propositi sibi à DEO, et à Societate finis cognoverit esse opportuna. In prælatione autem sua, benignitatis, ac mansuetudinis, charitatisque CHRISTI, Petri Paulique formulæ semper sit memor: et tam ipse quàm Consilium ad normam hanc assidue spectent; et nominatim commendatam habeant institutionem puerorum, ac rudium, in Christiana doctrina, decem præceptorum, atque aliorum similium rudimentorum, quæcunque secundum circumstantias personarum, locorum, ac temporum, illis congrua videbuntur. Est enim maxime necessarium, circa providentiam hujus rei diligenter Præpositum et Consilium invigilare; cum et in proximis ædificium fidei sine fundamento non possit consurgere, et in nostris periculum sit, nè, ut quisque erit doctior, ita provinciam hanc, tanquam primo aspectu minus speciosam, forsitan detrectare conetur: cum tamen revera nulla sit fructuosior, vel

Missiones non procurandæ.

Fatum obediētiæ.

Gubernandi ratio.

De institutione in puerorum, ac rudium.

PAULI III. proximis ad ædificationem, vel nostris ad charitatis et humilitatis simul officia exercenda. Subditi verò, tum propter ingentes ordinis utilitates, tum propter numquam satis laudatum humilitatis assiduum exercitiū, Præposito in omnibus ad institutum Societatis pertinentibus parere semper teneantur; et in illo Christum, veluti præsentem agnoscant, et quantum decet, venerentur. Cùm autem experti fuerimus, jucundiorē, puriorē, et ad proximi ædificationem aptiorē esse vitam ab omni avaritiæ contagione quàm remotissimā, et Evangelicæ paupertati quàm simillimā: cùmque sciamus, Dominum nostrum JESUM CHRISTUM servis suis regnum DEI solum inquirentibus necessaria ad victum et vestitum esse subministraturum; voveant singuli et universi perpetuam Paupertatem, declarantes, quòd non solum privatim, sed neque etiam communiter possint pro Societatis sustentatione, aut usu, ad bona aliqua stabilia, aut ad proventus, seu introitus aliquos, jus aliquod civile acquirere: sed sint contenti usum tantum rerum sibi donatarum ad necessaria sibi comparanda recipere. Possint tamen habere in Universitatibus Collegium, seu Collegia habentia redditus, census, seu possessiones, usibus, et necessitatibus studentium applicandas: retenta penès Præpositum, et Societatem omnimodā gubernatione, seu superintendentiā super dicta Collegia, et prædictos studentes, quoad gubernatoris, seu gubernatorum, ac studentium electionem, ac eorundem admissionem, emissionem, receptionem, exclusionem, statutorum ordinationem, circa studentium instructionem, eruditionem, ædificationem, ac correctionem, victūs

*Obedientia
subditorum
erga Præpo-
situm.*

*Votum pau-
pertatis.*

*De Collegiis
et eorum redi-
tibus.*

vestitûsque eis ministrandi modum, atque aliam omnimodam gubernationem, regimen, ac curam: sic tamen, ut neque studentes dictis bonis abuti, neque Societas in proprios usus convertere possint, sed studentium necessitati subvenire. Qui quidem post cognitum in spiritu, et litteris eorum profectum, et post sufficientem probationem, in Societatem nostram admitti possint. Socii omnes, quicunque in sacris fuerint, quamvis beneficia Ecclesiastica, aut eorum redditus non habeant, teneantur tamen singuli privatim ac particulariter, et non communiter, ad dicendum officium secundum Ecclesiæ ritum. Hæc sunt, quæ sub præfati Domini nostri PAULI, et Sedis Apostolicæ beneplacito, de nostra professione, typo quodam explicare potuimus. Quod nunc facimus, ut summam descriptione hac informaremus, tum illos, qui nos de nostro vitæ instituto interrogant, tum etiam posteros nostros, si quos DEO volente, imitatores unquam habebimus hujus vitæ: quam cum multis magnasque habere annexas difficultates fuerimus experti, opportunum judicavimus etiam statuere, nè quis in hac Societate recipiatur, nisi diu ac diligentissimè fuerit probatus: cumque prudens in Christo, et vel doctrinâ, seu vitæ Christianæ puritate apparuerit, conspicuus, tunc demum admittatur ad JESU CHRISTI militiam, qui tenuibus cæptis nostris favere dignetur ad gloriam DEI Patris, cui soli sit semper decus, et honor in sæcula, Amen. Cum autem nil in præmissis reperiatur, quod pium non sit, aut sanctum; Nos, ut iidem Socii, qui nobis super hoc humillimè supplicari fecerunt, in eorum pio vivendi proposito eò promptiores existant, quò se ma-

PAULI III.

*De Divino
officio reci-
tando.*

*Admittendi
probantur.*

*Confirmatio
Instituti.*

PAULA III. jori Sedis Apostolicæ gratiâ complecti cognoverint, et præmissa omnia, et singula, tamquam ad spiritualem profectum eorundem Sociorum, et reliqui Christiani gregis opportuna, Apostolicâ auctoritate, tenore præsentium ex certa scientia approbamus, confirmamus, et benedicimus, ac perpetuæ firmitatis munimine roboramus; ipsosque Socios sub nostra, et hujus sanctæ Sedis Apostolicæ protectione

Facultas con-
cedendi Consti-
tutiones.

suscipimus; Eis nihilominus concedentes, quòd particulares inter eos Constitutiones, quas ad Societatis hujusmodi finem, et JESU CHRISTI Domini nostri gloriam, ac proximi utilitatem conformes esse judicaverint, condere liberè et licitè valeant. Non obstantibus generalis Concilii, et felicis recordationis GREGORII Papæ X. Prædecessoris nostri, ac quibusvis aliis constitutionibus, et ordinationibus Apostolicis, ceterisque contrariis, quibuscumque. Volumus autem, quòd in Societate hujusmodi, usque ad numerum sexaginta personarum, normulam vivendi hujusmodi profiteri cupientium et non ultra admiti, et Societati præfatæ aggregari duntaxat valeant. Nulli ergo omnino hominum liceat hanc paginam nostræ approbationis, susceptionis, concessionis, et voluntatis infringere, vel ei ausu temerario contra ire. Si quis autem hoc attentare præsumpserit, indignationem omnipotentis DEI, ac BB. Petri et Pauli Apostolorum ejus se noverit incursum. Datum Romæ apud S. Marcum, anno Incarnationis Dominicæ, M. D. XL. V. Kal. Octob. Pontificatûs nostri anno sexto.

Restrictio
Personarum ad
sexaginta.

BLO.

PAULI III.

FACULTAS QUOSVIS IDONEOS

AD SOCIETATEM JESU,

SINE RESTRICTIONE NUMERI ADMITTENDI,

ET CONSTITUTIONES CONDENDI.

ANNO M. D. XLIII.

*PAULUS Episcopus servus servorum Dei,
ad perpetuam rei memoriam.*

Injunctum nobis desuper Apostolicæ servitutis officium dignè peragere credimus, si ad ea solitæ benignitatis extendimus affectum, per quæ religionis succrescat, incrementum, fideique orthodoxæ dilatatio ad divini Nominis laudem subsequi speretur. Cùm itaque nos aliàs, postquam dilecti filii Ignatius de Loyola, et Petrus Faber, ac Jacobus Laynez, et Claudius Jajus, nec non Paschasius Broët, et Franciscus Xavier, ac Alfonsus Salmeron, et Simon Rodericus, nec non Joannes Coduri, et Nicolaus de Bobadilla, Socii Societatis Jesu nuncupatæ, Presbyteri Pamplon. Gebenn. Seguntin. Toletan. Visen. Ebredun. et Palentin. civitatum et dioceseon respectivè, in Artibus Magistri, et in Universitate Parisiensi graduati, ac in Theologicis studiis per plures annos exercitati, Spiritu sancto, ut piè creditur, afflati, jam dudum è diversis mundi regionibus discedentes in unum convenerant, et Socii effecti, eorum vitam perpetuò ejusdem Domini nostri JESU CHRISTI,

PAULI III.

*Summa
præcedentis
approbationis.* PAULI III. atque nostro et aliorum Romanorum Pontificum Successorum nostrorum servitio dedicârunt ; et cùm ad hanc aliam Urbem se contulissent , ad perficiendam , conservandam eorum Societatis in Christo unionem , quamdam vivendi formulam ediderant , inter alia continentem : Quòd quicumque in eorum Societate prædicta vellet sub crucis vexillo DEO militare , et soli Domino , et Romano Pontifici ejus in terris Vicario servire , post solemne perpetuæ castitatis votum proponeret sibi in animo , se partem esse Societatis , ad id potissimùm iustitutæ , ut ad profectum animarum in vita et doctrina Christiana , et ad fidei propagationem , per publicas prædicationes , et Verbi DEI ministerium , ac spiritualia exercitia , et charitatis opera præcipuè intenderet ; curaretque primò DEUM , deinde hujus sui Instituti rationem (quæ via est ad illum) semper ante oculos habere , et finem hunc à DEO propositum totis viribus assequi : unusquisque tamen secundùm gratiam sibi à Spiritu sancto subministratam , et vocationis proprium gradum , cujus proprii cujusque gradûs judicium , et officiorum discretio , ac distributio tota esset in manu Præpositi , seu Prælati per eos eligendi : sciretque , et quotidie animo volveret , Societatem prædictam , et ejus singulos sub Romani Pontificis fidei obedientia Deo militare ; et ad majorem Societatis humilitatem , et perfectam uniuscujusque mortificationem , et propriæ voluntatis abnegationem , se ultra commune vinculum , speciali vinculo astringere , ut quidquid Romanus Pontifex pro tempore existens jussisset ad profectum animarum , et fidei propagationem pertinnens , etiamsi eum ad quascumque Provincias mittere

vellet, illicò, quantum in eo esset, exequi teneretur, sive cum mitteret ad Turcas, sive ad quoscunque alios infideles: voveretque perpetuam paupertatem, ità ut non solùm ipse privatim, sed nec etiam Societas ipsa communiter posset pro Societatis sustentatione, aut usu ad bona aliqua stabilia, aut proventus, seu introitus aliquos jus aliquod civile acquirere: sed essent contenti usum tantùm rerum sibi donatarum ad necessaria sibi comparanda recipere: possent tamen habere in Universitatibus Collegium, seu Collegia habentia census, redditus, et possessiones, usibus et necessitatibus studentium applicandos, retentâ penès Præpositum, et Societatem omnimodâ gubernatione, seu superintendentiâ super dicta Collegia, et prædictos studentes; quoad gubernatoris, seu gubernatorum, ac studentium electionem, ac eorum admissionem, emissionem, receptionem, exclusionem, statutorum ordinationem, et circa studentium instructionem, eruditionem, ædificationem, et correctionem, victûs, vestitûsque eis ministrandi modum, et aliam omnimodam gubernationem, regimen, et curam: sic tamen, ut nec studentes dictis bonis abuti, nec Societas ea in proprios usus convertere possent. Præmissa omnia, et singula per alias nostras litteras ex certa scientia approbaverimus, confirmaverimus, et benediximus, ac perpetuæ firmitatis munimine roboraverimus, ipsosque Socios sub nostra et Sedis Apostolicæ protectione suscepimus; cis nihilominus concedentes, quòd particulares inter eos Constitutiones, quas ad Societatis hujusmodi finem, et JESU Christi Domini nostri gloriam, et proximi utilitatem conformes esse judicassent, condere liberè

PART III. et licitè valerent, prout in eisdem litteris (in quibus volumus, quòd in Societate hujusmodi usque ad numerum sexaginta personarum, normulam eandem profiteri volentium, et non ultra, admitti, et Societati præfatæ aggregari possent) plenius continetur. Et, sicut Ignatius Præpositus, et alii Socii præfati nobis nuper exponi fecerunt (Spiritu sancto in dies cooperante) plures fideles in Parisiensi, et aliis studiorum generalium Universitatibus actu studeant, qui normulam vivendi hujusmodi profiteri cupiunt; nec stante voluntate nostrâ prædictâ, ultra dictum numerum ad id admitti possint: Quare pro parte Ignatii Præpositi, et aliorum Sociorum prædictorum, nobis fuit humiliter supplicatum, ut in præmissis opportunè providere de benignitate Apostolica dignaremur. Nos igitur ad eorumdem Ignatii Præpositi, et Sociorum piam vitam, et bonorum operum exemplum attendentes; eorum, et dictorum studentium piis desideriis annuentes, ac ipsorum, et cunctorum Christi fidelium animarum salutem zelantes, ipsosque Ignatium Præpositum, et Socios, ac eorum singulos à quibusvis excommunicationis, suspensionis, et interdicti, aliisque Ecclesiasticis sententiis, censuris, et pœnis, à jure, vel ab homine quavis occasione vel causâ latis, si quibus quomodo libet innodati existant, ad effectum præsentium duntaxat consequendum, harum serie absolventes, et absolutos fore censentes, hujusmodi supplicationibus inclinati, eisdem Ignatio Præposito, et Sociis, quòd quoslibet fideles, qui probationes in eadem formulâ, sub certis Constitutionibus per ipsam Societatem factis, seu in posterum faciendis, contentas, pro tempore fecerint,

*Facultas ad-
mittendi quos-
libet juxta
Constitutio-
nes.*

quotquot fuerint, ad Societatem hujusmodi liberè admittere, et eorum Societati hujusmodi, sub votis per Socios ejusdem Societatis emitti solitis, aggregare possint, auctoritate Apostolicâ, tenore præsentium, ex certa scientia concedimus: ac quòd quascumque inter eos Constitutiones particulares, quas ad Societatis hujusmodi finem, et JESU Christi Domini nostri gloriam, ac proximi utilitatem conformes esse judicaverint, condere; et tam hactenus factas, quàm in posterum faciendas Constitutiones ipsas, juxta locorum et temporum, ac rerum qualitatem, et varietatem, mutare, alterare, seu in totum cassare, et aliàs de novo condere possint et valeant; quæ postquam mutatæ, alteratæ, seu de novo conditæ fuerint, eo ipso Apostolicâ auctoritate præfatâ, confirmatæ censeantur, eâdem Apostolicâ auctoritate, de speciali gratia indulgemus. Quocirca venerabilibus Fratribus nostris Cæsennat. et Albiganen. ac Parentin. Episcopis, per Apostolica scripta mandamus, quatenus ipsi, vel duo aut unus eorum, per se, vel alium, seu alios, eisdem Præposito et Sociis, in præmissis efficacis defensionis præsidio assistentes, faciant auctoritate nostrâ, eos concessione et indulto hujusmodi pacificè gaudere, non permittentes eos desuper per quoscumque contra præsentium tenorem quomodolibet molestari; contradictores quoslibet, et rebelles, per censuras, et pœnas Ecclesiasticas, auctoritate nostrâ (appellatione postpositâ) compescendo, invocato etiam ad hoc (si opus fuerit) auxilio brachii secularis. Non obstantibus voluntate nostrâ prædictâ, ac quibusvis constitutionibus et ordinationibus Apostolicis, nec non omnibus aliis, quæ in

Pag. III.

*Facultas
condendi, et
mutandi Con-
stitutiones.*

*Judices qui
assistent.*

PAULA III. dictis litteris nostris voluimus non ob stare, contra-
 riis quibuscumque; aut si aliquibus communiter,
 vel divisim, ab eadem sit Sede indultum, quòd in-
 terdicti, suspendi, vel excommunicari non possint
 per litteras Apostolicas non facientes plenam et ex-
 pressam, ac de verbo ad verbum de indulto hujus-
 modi mentionem. Volumus autem, quòd præsen-
 tium transumptis, manu alicujus Notarii publici
 subscriptis, et sigillo alicujus Episcopi, seu personæ
 in dignitate Ecclesiastica constitutæ munitis, ubique
 locorum eadem prorsus fides adhibeatur, quæ ipsis
 originalibus litteris adhiberetur, si forent exhibitæ
 vel ostensæ. NULLI ergo omnino hominum liceat
 hanc paginam nostræ absolutionis, concessionis, in-
 dulti, mandati, et voluntatis infringere, vel ei ausu
 temerario contra ire. Si quis autem hoc attentare
 præsumpserit, indignationem omnipotentis DEI, ac
 beatorum Petri et Pauli Apostolorum ejus se nove-
 rit incursurum. Datum Romæ, apud Sanctum Pe-
 trum, anno Incarnationis Dominicæ millesimo quin-
 gesimo quadragesimo tertio, pridie Idus Martii,
 Pontificatûs nostri anno nono.

*Fides habean-
 tur trans-
 umptis.*

L. Torres.

J. Lambertus.

PAULI III.

FACULTATES CONCIONANDI,
 ET CONFESSIONES AUDIENDI,
 ABSOLVENDI, ET VOTA COMMUTANDI, etc.
 ANNO M. D. XLV.

*Dilectis Filiis, moderno, et pro tempore
 existenti Præposito, et Sociis Societatis
 JESU, in alma Urbe nostra canonicè
 institutæ.*

PAULUS PAPA III.

*Dilecti Filii Salutem, et Apostolicam
 Benedictionem.*

Cum inter cunctas sollicitudines nostras, quibus nos premit pastorale officium, illa sit præcipua, ut gregi Dominico nobis supernâ dispositione commisso, animarum cura non desit; nè illum antiquus serpens, humano generi inimicus, indefensum et impræparatum invadat. Attendentes igitur ad fructus uberes, quos in domo Domini hætenus produxistis, et producere non desinitis, vestrâ religione, integritate, scientiâ, doctrinâ, moribus, experienciâ, plurimùm in Domino confidentes, vobis, quos aliàs, Societatem vestram de JESU approbando, confirmando, et benedicendo, ac perpetuæ firmitatis munimine roborando, sub nostra et Apostolicæ Sedis protectione suscepimus; et cuilibet vestrûm, qui ad hoc idoneus

PAULI III.

*Societatis
 fructus com-
 mendantur.*

*Facultas
 ubique prædi-
 candi.*

PAG. III. repertus, et per vestræ Societatis Præpositum pro tempore existentem deputatus fuerit, in quibusvis Ecclesiis, et locis, ac plateis communibus, seu publicis, et aliâs ubique locorum, clero, et populo verbum DEI prædicandi, proponendi, et interpretandi, ac eos viam veritatis edocendi, et ad bene beatèque vivendum, ità, ut in vobis verbo pariter et exemplo ædificetur, in Domino hortandi, admonendi; nec non illis ex vobis, qui Presbyteri fuerint,

Facultas confessiones audiendi, et ab omnibus casibus, qui non sunt in Bulla Cœnæ Domini, absolvendi.

quorumcumque utriusque sexûs Christi fidelium, ad vos undecumque accedentium confessiones audiendi, et confessionibus diligenter auditis, ipsos. et eorum singulos ab omnibus, et singulis eorum

peccatis, criminibus, excessibus, et delictis, quantumcumque gravibus et enormibus, etiam Sedi Apostolicæ reservatis, et à quibusvis, ex ipsis casibus resultantibus sententiis, censuris, et pœnis Ecclesiasticis (exceptis contentis in bulla, quæ in die Cœnæ Domini solita est legi) absolvendi, ac eis pro commissis pœnitentiam salutarem injungendi, nec non vota quæcumque per eos, pro tempore emissa

Facultas vota, exceptis tantum quinque, commutandi.

(ultramarinis, visitationis liminum Beatorum Petri et Pauli Apostolorum de Urbe, ac Sancti Jacobi in Compostella, nec non religionis, et castitatis votis dumtaxat exceptis) in aliâ pietatis opera commutandi: Ac Missas ante diem, circa tamen diurnam lucem, et

Facultas ante diem, et post meridiem celebrandi.

etiam infra horam post meridiem, quando, et quoties stante legitimo impedimento, moderno, et pro tempore existenti Præposito vestro præfato id neces-

Facultas ministrandi Sacramenta.

sarium, vel aliâs in Domino expedire visum fuerit, celebrandi: Et post, seu ante illarum celebrationem, aut aliâs, Christi fidelibus ipsis Eucharistiæ, et alia

Ecclesiastica Sacramenta, sinè alicujus præjudicio, ministrandi; diœcesanorum locorum, rectorum parochialium, et aliarum Ecclesiarum, aut quorumvis aliorum licentiâ desuper minimè requisitâ: ac horas *Facultas Officium Romanum novum dicendi.* canonicas diurnas pariter et nocturnas, secundum usum Romanæ Ecclesiæ noviter editum dicendi et recitandi, itâ quòd ad alium usum observandum, seu officium dicendum unimè teneamini, plenam et liberam facultatem auctoritate Apostolicâ per præsentem, ad nostrum et Sedis Apostolicæ beneplacitum concedimus. Quocirca universis, et singulis locorum Ordinariis, eorum Vicariis, et aliis superioribus mandamus, quatenus ipsi, vel duo, aut unus eorum, si, et postquam præsentem litteræ eis intimatæ fuerint, ac quoties pro parte alicujus ex vobis quilibet *Judices qui assistant.* eorum fuerit requisitus, in præmissis efficacis defensionis præsidio assistentes, faciant easdem præsentem, ac in eis contenta quæcumque firmiter observari; nec permittant quemlibet ex vobis, super præmissis, et eorum singulis, per quoscumque desuper quomodo libet molestari, impediri, aut inquietari: contradictores quoslibet, et rebelles per censuras Ecclesiasticas, et alia juris remedia, (appellatione postpositâ) compescendo. Non obstantibus quibusvis constitutionibus, et ordinationibus, ac prohibitionibus, et litteris Apostolicis, etiam per Sixtum Quartum in capitulo, *Et si dominici*, et alios Romanos Pontifices, Prædecessores nostros, ac Nos, et Sedem prædictam, etiam consistorialiter editis et factis, quibus omnibus, illorum tenores, ac si de verbo ad verbum insererentur præsentibus, pro expressis habentes, ad hujusmodi effectum, pro hac vice duntaxat specialiter et

PAULI III. expressè derogamus, et derogatum esse decernimus; ceterisque contrariis quibuscumque. Volentes etiam,

*Transsum-
ptis habeatur
fides.*

*Exhortatio
Pontificis.*

et eadem auctoritate Apostolicâ decernentes, quòd præsentium transsumptis, manu alicujus Notarii publici subscriptis, et alicujus Prælati, aut personæ in dignitate Ecclesiastica constitutæ sigillo munitis, eadem fides ubique locorum, in judicio et extra illud, prorsus adhibeatur, quæ eisdem præsentibus adhiberetur, si essent exhibitæ vel ostensæ. Sic igitur, Filii, his vobis concessis facultatibus ad omnipotentis DEI honorem, et animarum salutem efficaciter, sicque diligenter uti studcatis; quòd per sollicitudinis vestræ solertiam, Catholicæ pietatis fructus prove-
niant; vosque exinde apud DEUM et homines non immeritò commendemini. Datum Romæ, apud Sanctum Petrum sub annulo Piscatoris, die tertiâ Junii, M. D. XLV. Pontificatûs nostri anno undecimo.

Blo. el. Fulgin.

PAULI III.

FACULTAS COADJUTORES ADMITTENDI,

QUI POSSINT,

ETIAM AD SACROS ORDINES PROMOVERI, etc.

ANNO M. D. XLVI.

*Dilectis Filiis, modernis, et pro tempore
existentibus, Præposito Generali, et Sociis
Societatis JESU, in alma Urbe nostra
Canonicè institutæ.*

PAULUS PAPA III.

*Dilecti Filii Salutem, et Apostolicam Bene-
dictionem.*

Exponi nobis nuper fecistis, quòd vos ob penuriam
cooperatorum, personis, quæ tam in spiritualibus,
quàm in temporalibus rebus et officiis vestris domes-
ticis vos coadjuvent, indigetis. Quare nobis humiliter
supplicari fecistis, ut vobis, quòd sacerdotibus, qui
vos in spiritualibus, et personis sæcularibus, quæ
vos in temporalibus, et officiis prædictis coadjuvent,
uti possitis; licentiam et facultatem concedere, alias-
que vobis, et statui vestro in præmissis opportuno
providere de benignitate Apostolica dignaremur. Nos
igitur hujusmodi supplicationibus inclinati, vobis quòd
de cetero Sacerdotibus, qui vos in spiritualibus, et
personis sæcularibus, quæ vos in temporalibus et

PAUL III.

*Admitti pos-
sunt Coadju-
tores spirituales,
et temporales.*

PAG. III. officiis vestris domesticis coadjuvent, uti possitis; ipsique Coadjutores tam Sacerdotes, quàm personæ sæculares, peractis experiētiis, et probationibus, per Constitutiones vestras requisitis, ad maiorem eorum devotionem, et amplius meritum, vota paupertatis, et castitatis, ac etiam obedientiæ (itā, ut ad illa servanda, pro eo tempore, quo tu, fili Præposite, et qui pro tempore fuerint ejusdem Societatis Præpositi, eis in ministerio spirituali, vel temporali utendum judicaveritis, et non ultrā, adstringantur; nec propterea ad aliquam solemnem Professionem emitendam teneantur, neque ad eam aliter admittantur) emittere: ac ipsi Coadjutores ad omnes, etiam sacros,

*Tria vota
Coadjutorum
juxta Consti-
tutiones.*

*Coadjutores
ad sacros ordi-
nes promoveri
possunt et sunt
participes me-
ritorum, qui-
bus gaudent
Professi.*

*Viginti tan-
tum Coadjuto-
ribus faculta-
tes Professio-
rum concedi
possunt.*

*Facultates re-
cipiendi Coad-
jutores, quibus
communicetur.*

et Presbyteratûs ordines de licentia tui, fili Præposite Generalis, si aliis idonei fuerint, promoveri valeant: sintque omnes, et singuli eorum, omnium bonorum operum, quæ in dicta Societate fiunt, ac meritum illius participes, et illis plenè gaudeant, prout alii dictæ Societatis Professi participant, et gaudent; quòdque tu fili Præposite, et pro tempore existens Præpositus Societatis hujusmodi, de cetero perpetuis futuris temporibus, viginti duntaxat, ex eisdem Presbyteris Coadjutoribus, quos ad id idoneos inveneritis, et quando tibi, seu eidem pro tempore existenti Præposito placuerit, easdem facultates, gratias, et auctoritatem, quas Professis Societatis hujusmodi concedere potes, seu per nos vobis quomodolibet concessæ existunt, in toto, vel in parte liberè concedere, ac alios Præpositos, seu Vicarios tuos, tam provinciales, quàm locales, cum facultate quoscumque ad Societatem prædictam confluentes, ad probationem hujusmodi recipiendi, et ad vota

FACULTAS ADMITTENDI COADJUTORES. XXIII

prædicta, non tamen dictam professionem solemnem quæ Romæ dumtaxat fieri possit, et debeat, admittendi, creare et deputare liberè et licitè valeatis; plenam et liberam Apostolica auctoritate tenore præsentium concedimus licentiam et facultatem. Non obstantibus constitutionibus, et ordinationibus Apostolicis, ac vestris, etiam juramento, confirmatione Apostolica, vel quavis firmitate alia roboratis regularibus institutis, ac omnibus illis, quæ in litteris confirmationis Societatis hujusmodi voluimus non ob stare, ceterisque contrariis quibuscumque. Volumus autem, quòd præsentium transsumptis, manu alicujus Notarii publici subscriptis, et sigillo alicujus personæ in dignitate Ecclesiastica constitutæ munitis, ubique locorum ea prorsus fides adhibeatur, quæ ipsis originalibus litteris adhiberetur, si forent exhibitæ vel ostensæ. Datum Romæ, apud S. Petrum sub annulo Piscatoris, die V. Junii, M. D. XLVI. Pontificatûs nostri anno duodecimo.

PAPÆ III.

*Solemnis
Professio tan-
tùm Romæ fa-
cienda.*

*Transsum-
ptis fides ha-
beatur.*

Blo. el. Fulgia.

PRIVILEGIA PLURIMA

AD SOCIETATIS REGIMEN, ET MINISTERIA.

ANNO M. D. XLIX.

*PAULUS Episcopus servus servorum Dei,
ad perpetuam rei memoriam.*

PAULI III. **L**ACET debitum pastoralis officii omnibus regularem vitam ducentibus, ut in suis disciplinis, et laudabilibus institutis conserventur, et augeantur, nos reddat favorabiles et benignos; ad Societatem verò de JESU, per nos institutam et approbatam, cujus specimen veluti ager fertilis in Domino multiplices atque uberes fructus animarum, ad summi Regis laudem, et fidei incrementum attulit, et affert quotidie verbo et exemplo in populo Christiano, dirigentes præcipuè velut pius pater oculos mentis nostræ, dignum censemus, ut ipsam Societatem ejusque in odorem suavitatis Altissimo deservientes personas, specialibus favoribus prosequamur, illaque sibi favorabiliter concedamus, per quæ Societas ipsa utiliter regi, et prosperè dirigi, ac ad animarum auxilium fideliter in Domino procedere valeat. Hinc est, quòd nos dilectorum filiorum Ignatii de Loyola moderni Præpositi Generalis, et aliorum Sociorum ejusdem ordinis supplicationibus inclinati, sibi, ut Præpositus Generalis dictæ Societatis, pro tempore existens, cùm primùm juxta Constitutiones ejusdem Societatis in illius Præpositum electus fuerit, eo ipso verus

*Plena est
administratio
Præpositi
Gen. post elec-
tionem.*

ipsius Religionis Generalis Præpositus, cum libera, generali, et omnimoda cura, et administratione omnium et singulorum, ad felix regimen, et prosperam directionem dictæ Societatis spectantium et pertinentium, sit et esse censeatur; ac suum Præpositi officium, in omnibus exercere incipiat, ac plenam in universos ejusdem Societatis Socios et personas sub ejus obedientia degentes, ubilibet commorantes, etiam exemptos, etiam quascumque facultates habentes, suam jurisdictionem exerceat; possitque et debeat dictus Præpositus per personas ad id à dicta Societate facultatem habentes, et ad id deputatas, incertis casibus juxta dictas Constitutiones amoveri, et alius ipsius loco, per easdem personas substitui, et alias, prout personæ deputatæ prædictæ id in Domino conspexerint salubriter expedire, ac ipsemet Præpositus pro tempore existens ire, et suos quocumque locorum, etiam inter infideles, cum expedire in Domino judicabit, mittere, ac revocare, et per Nos, ac Successores nostros, ad locum aliquem missos sine temporis certi limitatione, cum id expedire ad Dei gloriam, et animarum auxilium visum erit (super quo conscientiam dicti Præpositi oneramus) ad alia loca transmittere liberè et licitè valeat; qui ubicumque morari contingat, ad nutum nostrum et Romani Pontificis pro tempore existentis, ad Sedem Apostolicam, seu quò oportuerit, et sibi per dictam Sedem injunctum fuerit, juxta ipsius Societatis Professionem, venire debeant, concedimus: ac volumus, statuimus, et ordinamus, quòd Præpositus, absque Societatis, et aliquis ex Sociis hujusmodi absque dicti Præpositi consensu, et expressa

PAG. III.

Potest Præpositus nonnunquam amoveri.

Præpositi circa missiones potestas.

Dignitas acceptari non potest.

PAULA III. licentia electioni , seu provisioni de illius persona in
test absque fa- Episcopum, Archiepiscopum, aut aliam quaecumque
cultate. dignitatem , per quemcumque Principem , vel quod-

Ambitiosus consentire , aut ad illam admitti , seu alicujus præla-
in Societate tionis , et dignitatis in eadem Societate , si eam oc-
non est capax culta , aut manifesta ambitione quæsisse convin-
dignitatis. cetur , capax esse nullatenus possit : quodque à cor-

A correctio- rectione regulæ Societatis hujusmodi secundum
ne regulæ non ordinationes factæ (ut vigor disciplinæ melius con-
potest appel- servetur) appellari , aut talis appellatio per ullum
lari. Judicem admitti , seu ab officiis absolutio , aut pri-

Superiores valio peti non possint : et tam Generalis , quàm alii
non tenentur inferiores Præpositi ejusdem Societatis fratres , seu
aliquem ad Socios dictæ Societatis , Patriarchis , Archiepiscopis ,
Prælati ejus- Episcopis , seu aliis Ecclesiarum Prælati , et perso-
quam ministe- nis , in socios , aut aliàs ad ullum eorum ministerium
rium deputare. deputare minimè teneantur , nisi auctoritate littera-
rum ejusdem Sedis , de Societate et indulto hujus-
modi expressam facientium mentionem ; et si quos
deputare contingeret , nihilominus sub Ordinis cor-
rectione existant , et cùm expedire judicabunt ,

Transferri eosdem remove possint : Illos verò ex fratribus seu
possunt depu- Sociis prædictis , qui ad prædicandum crucem , vel
tati ad certa ad inquirendum contra hæreticam pravitatem , seu
negotia. ad alia similia negotia deputati fuerint , Ignatius , et
alii illius successores Præpositi Generales dictæ So-
cietatis pro tempore existentes , remove , seu re-
vocare , et transferre , ipsisque quòd supersedeant
injungere , ac alios illorum loco substituere , cùm
expedire viderint , liberè et licitè valeant : Ac eisdem

Ignatio, et aliis Generalibus Præpositis pro tempore existentibus, ut per se, vel alios ad id per eos pro tempore deputatos, omnesque et singulos ejusdem Societatis Socios, et personas sub eorum obedientia, disciplina, et correctione, pro tempore degentes, ab omnibus et singulis eorum peccatis ante vel post ingressum in dictam Societatem, per eos commissis, nec non à quibusvis excommunicationis, suspensionis, et interdicti, aliisque Ecclesiasticis et sæcularibus sententiis, censuris, pœnis à jure vel ab homine quomodolibet latis et promulgatis, et hujusmodi sententiis innodatos, aut in locis suppositis Ecclesiastico interdicto, divina officia celebrantes, et suscipientes ordines, sic ligatos, et propterea irregularitatem incurrentes, absolvere, ac cum eis, cum dispensatione eguerint, dispensare possint; nisi excessus absolvendorum et dispensandorum hujusmodi adeò graves et enormes fuerint, quòd sint ad Sedem Apostolicam meritò remittendi: et nè sæpe in dubium revocetur, qui sint ad Sedem prædictam destinandi, declarationem in ea parte, per fel. record. Sixtum Papam Quartum prædecessorem nostrum, in Bulla, quam *Mare magnum* vocant, factam, confirmamus. Volumus autem, quòd postquàm Societati et consortio hujusmodi aggregari volentes, absoluti, et cum eis, ut præfertur, dispensatum fuerit, nisi mox ordinem intrare, et peractis experientiis secundùm Constitutiones dictæ Societatis, vota emittere parati sint, etiamsi super hoc induciæ eis à Prælatibus ejusdem Societatis concedantur, eo ipso in pristinas sententias, à quibus eos totaliter absolvi contigerit, relabantur et reincidant: Nec non quòd quilibet ex

PAULI III.

Præpositus per se, vel alios, potest omnes suos absolvere, et circa irregulares dispensare, nisi sint casus enormes juxta Bullam Sixti IV.

In censuras reincidunt absoluti, nisi mox intrent Societatem, et vota emittere parati sint.

Personæ So-

PAULI III. Sociis Societatis hujusmodi peccata sua proprio Præposito, vel ab eo deputato seu deputatis, et aliis secundum ordinationes Societatis prædictæ designatis, confiteri debeat; nisi super hoc à dicto Præposito alium Confessorem eligendi facultatem habuerit:

Qui vota emiserint, aliorum ordinem præter Carthusiensium, ingredi non possunt. Ac inhibemus, nè quis post emissa vota secundum Constitutiones prædictas, sive Professor, sive Scholaris, sive Coadjutor Societatis hujusmodi sit, ad quemvis alium ordinem, etiam per Sedem prædictam approbatum, (Carthusiensium dumtaxat excepto) nisi de expressa ipsius Præpositi aut dictæ Sedis licentia transferri; egressi verò aliis, quam ut præfertur, de ordine, seu consortio hujusmodi, in nullo alio, præterquam Carthusiensium præfato ordine

Apostatæ, et insolentes coerceri possunt. admitti, recipi, vel retineri possint, ipsique Generalis et alii inferiores Præpositi, per se vel alios, illos sic egressos, ac alios quoscumque dictæ Societatis apostatas, ut etiam alios quosvis insolentes, et qui id mereri videbuntur, in quocumque habitu apostatas prædictos contigerit inveniri, excommunicare, capere, incarcerare, et aliis suæ disciplinæ submittere; et ad id, si opus fuerit, auxilium brachii sæcularis invocare liberè et licitè valeant: Ipsamque Societatem, et universos illius Socios et personas, illorumque bona quæcumque ab omni superioritate, jurisdictione, correctione quorumcumque Ordinariorum eximimus et liberamus, ac sub nostra

Personæ ac bona Societatis eximuntur. et præfate Sedis protectione suscipimus: Liceatque Præpositis, et de eorum etiam facultate universis fratribus et Sociis Societatis hujusmodi in Presbyteratûs ordine constitutis, in locis in quibus degunt, et eos pro tempore morari contigerit, habere Ora-

Presbyteri habere possunt Oratoria, et usum altaris parlatilia.

VARIA INDULTA ET PRIVILEGIA. XXIX

toria; et in eis, ac quocumque alio honesto et congruenti loco, in altari portatili, cum debitis reverentia et honore, etiam tempore Interdicti, quavis etiam Apostolicâ auctoritate appositi, januis clausis, excommunicatis et interdictis exclusis, submissâ voce Missas et alia divina officia celebrare, ac Ecclesiastica Sacramenta recipere, et aliis ministrare, dummodo ipsi causam non dederint interdicto, nec contingat id ipsis specialiter interdicti. Iis verb, qui in ipsorum Præpositorum et Sociorum morantur obsequiis, cuncta liberè ministrare possint Ecclesiastica Sacramenta; et ipsos, cùm decedunt, in eorum cœmeteriis sepelire. Si quando in terris, in quibus Socii prædicti, vel eorum aliqui, pro tempore resederint, vel in earum personas Excommunicationis, seu Interdicti sententias contigerit promulgari, pueri seu familiares eorundem Sociorum servitiis deputati, ac eorum et Societatis hujusmodi negotiorum procuratores, et operarii, hujusmodi sententiis obnoxii minimè habeantur; ibique possint audire Divina; nisi eisdem causam dederint, vel specialiter excommunicari seu interdicti contigerit eosdem. Nec ullis Prælatiis, contra aliquem de prædicta Societate, vel contra alios eorum causâ, aliquam excommunicationis, suspensionis, vel interdicti sententiam, contra ejusdem Societatis privilegia, per nos concessa (quorum interpretationem nobis, et Apostolicæ Sedi reservamus) inferre liceat; et si tulerint, eo ipso irrita, nulliusque roboris vel momenti sit et esse censeatur: ac omnes et singuli alii Christi fideles, cujuscumque conditionis existant, qui verbi Dei concionibus seu

Pauli III.

Interdicti tempore celebrare, ac Sacramenta ministrare licet Societati.

Familiaribus Societatis possunt ministrari Sacramenta et sepultura. Interdicti tempore Divina possunt audire familiares, procuratores, et operarii Societatis.

Contra Privilegia à Paulo III. concessa ferri non possunt ab ullo censuræ, nec dari eorum interpretatio.

Qui Societatis concionibus intersunt, Missas audire, et

PARTI III. prædicationibus Sociorum seu fratrum Societatis hujusmodi, in Ecclesiis ubi ipsi concionabuntur interfuerint, diebus hujusmodi Missas et alia divina officia audire, et Ecclesiastica Sacramenta ibidem recipere, liberè et licitè valeant: nec ad id, ad proprias parochiales ecclesias accedere te-

Volente Præposito possunt nostri à quolibet Antistite in sacris promoveri absque promissione, et obligatione.

neantur. Et quia ejusdem Societatis fratres et Socios, de locis ad loca transferri contingit, propter quod stabilem et continuam in certis et determinatis Domibus mansionem habere non possunt, et in ipsa Societate idoneos tantum et comprobatos, ad sacros ordines promoveri intelleximus, eidem Præposito Generali, quod ordinandos Socios et fratres hujusmodi Societatis, quibuscumque maluerit Catholicis Antistitibus gratiam et communionem dictæ Sedis habentibus præsentare, ipsisque Antistitibus præsentatos hujusmodi, absque omni promissione vel obligatione ipsorum ordinandorum fratrum et Sociorum, ad omnes etiam sacros et

In terris infidelium, et hæreticorum licet nostris commorari de Præpositi licentia.

Presbyteratus ordines promovere. Et cum ipsi Socii magnam patientes pro Christi nomine paupertatem, exhortationis pio studio, bonos ad potiora dirigant, et errantes ad rectitudinis sentiam laudabiliter revocare procurent; concedimus, ut in excommunicatorum, et hæreticorum, vel schismaticorum, vel infidelium terris liberè commorari, et cum eisdem conversari, de licentia tamen Præpositi Generalis, et ab eis tunc, et etiam quando per ipsas illos transire contigerit, necessaria vitæ deponere ac recipere

Nostri non teneantur ullam suscipere visitationem

valeant. Quòdque nullis ipsorum correctionis, seu visitationis, vel inquisitionis officium, monasteriis, vel ecclesiis, seu quibuscumque personis impendere,

VARIA INDULTA ET PRIVILEGIA. XXXI

vel ad cognitiones causarum , citationes partium , et PAULI III.
denuntiationes sententiarum interdicti , vel excom-
municationum procedere , aut curam Monialium , *justitiæ , mi-*
seu religiosarum quarumlibet personarum recipere *nistrationem ,*
teneantur , per litteras Apostolicas impetratas , vel *curamque Mo-*
in posterum impetrandas , nisi de hoc indulto et or- *nalium.*
dine Sociorum hujusmodi , expressam facientes men-
tionem , auctoritate et tenore prædictis , de speciali
gratia indulgemus ; Concedentes ipsis Sociis , ut de
iis , quæ in ornamentis , aut pro eis , aut libris , fa- *Non tenen-*
brica , luminaribus , seu pro victu , vel indumentis *tur solvere bo-*
eorum , nec non pro annuis censibus redimendis , ad *narum suorum*
quorum solutionem aliquæ Domus Societatis præ- *decimam , vel*
dictæ obligatæ forsitan existant ; ac de Domibus , et *aliam dare*
Collegiis , ac eorum prædiis , hortis , aliisque locis *contributio-*
eisdem Sociis , juxta eorum vivendi Institutum , *nem , seu pro-*
haberi concessis ; aut de iis , quæ sibi pro hujusmodi *curacionem ,*
rebus , Domibus , Collegiis , prædiis , locis , et hor- *non obstante*
tis emendis per quascumque personas , pro tempore *Apost. consti-*
legari , aut relinqui contigerit , et aliis bonis quibus- *tutione.*
cumque , per dictam Societatem et ipsius Collegia
possessis et obtentis , aliquam decimam , etiam Pa-
palem solvere ; seu canonicam portionem exhibere ,
seu ad præstationem procuracionum Legatorum præ-
dictæ Sedis , vel Nuntiorum ipsius , aut Ordinario-
rum locorum , aut exactionum , collectarum , seu
subsidiarum , vel provisionum quorumcumque mi-
nimè teneantur ; nec ad id per litteras ejusdem Se-
dis , aut Legatorum , vel Nuntiorum , seu diœcesan-
orum prædictorum , cujuscumque tenoris fuerint ,
ullo unquam tempore compelli possint ; nisi ipsæ
litteræ Apostolicæ plenam , et expressam , ac de

PAULI III. verbo ad verbum , de indulto et concessione hujusmodi , ac de eorum ordine mentionem fecerint. Et si fortè per Nos , vel dictam Sedem de piis legatis dispositis et relictis , in genere vel specie , decima , vel alia portio , seu quarta , alteri piæ , vel non piæ causæ , quomodolibet hactenus concessa fuerit , vel illam in posterum concedi , seu solvi , aut dari , mandari , contigerit ; Socios præfatos , et illorum Domos , et bona quæcumque , ac eis legata , et relictæ , aut aliàs in eorum favorem dispositæ , in concessionibus , et mandatis hujusmodi decernimus , et volumus minimè comprehendere ; nisi de ipsis , ac præsentis decreto , et voluntate nostra , non per clausulas generales idem importantes , sed vera , expressa , et specifica mentio fiat in eisdem. Et insuper si

*Domus , vel
Collegium Soci-
tati donata ,
seu relictæ , eo
ipso auctori-
tate Apostolica
censeantur
erecta.*

contingat Socios ipsos , ut adjuvante aliquo Principe , Duce , Marchione , Comite , vel Communitate , vel quavis ad id potenti et facultatibus abundanti persona , aliquam Domum , Ecclesiam , aut Collegium Societatis prædictæ ædificent , et construant , seu id per alicujus similis personæ testamentum mandari , vel quovis modo eis offerri Domum , Ecclesias , seu Collegia hujusmodi ; cum omnibus ad id necessariis et opportunis construi et ædificari , ac locum pro hujusmodi constructione oblatum recipi posse , ipsasque Domos , Ecclesias , Collegia , Cellas , Oratoria , ubilibet per dictos Socios , pro tempore constructa , vel eis donata , eo ipso , quòd ædificata , vel donata fuerint , Apostolicâ auctoritate prædictâ , erecta approbata , et confirmata ; ac bona quæcumque , pro Collegiorum dote , seu Scholarium inibi pro tempore commorantium sustentatione , per quoscumque

*Bona Socie-
tati donata pro*

Christi fideles, pro tempore donata, relicta, 'et le- PAULI III.
gata, eo ipso prædictâ Apostolicâ auctoritate, per- *Collegiorum*
petuò applicata et appropriata esse et censi, (nisi *sustentatione,*
aliàs ad collationem Sedis prædictæ pertinerent) et *etiam auctori-*
ecclesias prædictas, cum cœmeteriis benedici, aut *tate Apostolicâ*
consecrari facere, ac primum lapidem poni, per *reputantur ap-*
quoscumque Episcopos (si diœcesani ultra quatuor *plicata, etc.*
mensenses id facere distulerint) posse decernimus: in- *Ecclesie*
hibentes omnibus, et singulis Archiepiscopis, Epis- *nostræ benedi-*
copis, aliisque ecclesiarum Prælati, et locorum *ci, et consec-*
Ordinariis, ac quibusvis aliis potestatibus Ecclesias- *crari possunt à*
tici et sæcularibus, illis nihilominus mandantes, nè *quotibet Epis-*
ipsos Socios, aut eorum Domos, Ecclesias, aut Col- *copo, etc.*
legia hujusmodi, ad aliquorum requisitionem, ex
propria eorum voluntate, si id in Domino expediens
fuerit, ædificare volentes, quoquo modo in hujus-
modi constructionibus impedian, perturbent, aut
molestent. Et, ut Societatis hujusmodi professoribus
omnis vagandi occasio, et ad Apostolicam Sedem
prædictam recurrenti, subtrahatur pro posse neces-
sitas; Generali, et de ejus licentia Provincialibus
Præpositis dictæ Societatis, pro tempore existentibus,
et illorum Vicariis et Locatenentibus, ut cum
ejusdem Societatis personis defectum natalium, ex
adulterio, sacrilegio, incestu, et quovis alio nefario
et illicito coitu provientem patientibus; nec non
cum iis, qui ex quavis causa, (præterquam homici-
dii voluntarii, bigamiæ, et mutilationis membro-
rum) irregulares fuerint, postquàm in ordine ipso
vota emiserint, ut defectu et irregularitate hujusmodi
non obstantibus, ad quoscumque etiam sacros, et
Presbyteratûs ordines promoveri, et in illis, etiam

*Nè impedi-
antur nostri,
ab ullo in suis
ædificiis.*

Quatenus

PAULI III. in altaris ministerio ministrare , et irregulares defectum natalium patientes prædicti ad quascumque administrationes et officia dictæ Societatis eligi , recipi et assumi , illaque gerere , et exercere liberè et licitè valeant , dispensare possint , auctoritate et tenore prædictis concedimus et indulgemus. Præterea cùm intellexerimus populos civitatum , terrarum , et locorum , apud quæ habitationem iidem Socii habent , vel ubi eosdem versari , aut transire contingit , exemplo allectos et inductos religiosæ vitæ , quam Domino concedente ducunt , libenter ad confitendum eisdem , et sacratissimam communionem de manibus eorum accipiendum confluere , ut illis sic confluentibus satisfacere valeant , universis utriusque sexûs Christi fidelibus , ut cuilibet de Societate prædicta confiteri possint , Rectoris sui licentia minimè requisita , cui non teneantur eadem peccata , de quibus confessi et absoluti fuerint , rursus confiteri :

Fideles quicumque confiteri nostris possunt absque Rectoris sui facultate.

Licet singulis Christianis Eucharistiam à nostris accipere semper , duobus exceptis casibus.

Qui aliquam Ecclesiam nostram à Præposito designa-

nec non omnibus et singulis Christi fidelibus , tam forensibus , quàm in civitatibus , et locis in quibus Socii prædicti consistunt , commorantibus , aut illac transcurrentibus , Eucharistiæ Sacramentum (quod in suis ecclesiis decenter tenere Socios præfatos volumus) quocumque anni tempore , præterquam in festo Paschatis Resurrectionis Dominicæ , et mortis articulo , nisi necessitas urgeret eorundem fidelium , parochialium ecclesiarum Rectorum licentiâ minimè requisitâ , accipere liberè et licitè valeant. Nec non animarum profectui providere volentes , de omnipotentis Dei misericordia , ac beatorum Petri et Pauli Apostolorum ejus auctoritate confisi , omnibus et singulis utriusque sexûs Christi fidelibus , ubilibet

commorantibus, verè pœnitentibus, et confessis, PAG. III.
 seu temporibus à jure statutis constituendi propositum tam semel in
 habentibus, qui aliquam Ecclesiam, aut alium pium anno visitant,
 locum dictæ Societatis, semel singulis annis, (præ- indulgentiam
 ter annum Jubilæi) in die per pro tempore existen- plenariam con-
 tem dictæ Societatis Præpositum, eligendo, à pri- sequitur.
 mis vespers, usque ad occasum Solis ejusdem dici
 inclusivè, devotè visitaverint, et inibi orationem
 Dominicam, ac salutationem Angelicam recitaverint,
 plenariam omnium peccatorum suorum indulgentiam
 ac remissionem, in forma Jubilæi, auctoritate Apos-
 tolicâ, tenore præsentium misericorditer concedi-
 mus et largimur: Et insuper quatuor aliis, scilicet, Cæteris anni
 Nativitatis, Circumcisionis, Epiphaniæ, et Corpor- diebus obtine-
 ris Christi festivitatum, nec non Veneris, et Domi- tur in Ecclesiis
 nicis, et Quadragesimalibus diebus singulorum anno- indulgentia
 rum, usque ad octavam Paschatis, ecclesias et alia multorum an-
 pia loca dictæ Societatis devotè visitaverint, et inibi norum.
 orationem et salutationem prædictas similiter reci-
 taverint, ac verbum Dci, si in illis prædicetur, de-
 votè audiverint, septem annos, et totidem quadra-
 genas de injunctis eis pœnitentiis, misericorditer in
 Domino relaxamus. Ac Præposito Generali ejusdem Præpositus
 Societatis, ut, quos de suis idoneos in Domino ju- Lectores in
 dicaverit, ad lectiones Theologiæ, et aliarum facul- Theologiæ, et
 tatum, alterius licentiâ ad id minimè requisitâ, facultatibus
 ubilibet deputare possit: Et ut, cùm aliquos ex fra- omnibus depu-
 tribus seu Sociis Societatis hujusmodi in Saraceno- tare potest.
 rum et Paganorum, aliorumque infidelium terras, In terris in-
 et provincias alias remotissimas, à quibus non potest fideliis, et
 adiri Sedes Apostolica, miserit; possit eis, aucto- partibus remo-
 ritate nostra, facultatem concedere, ut Christianos tissimis nostris
 absolvere possunt, etiam à casibus in Bul-

PAG. III. *ibidem* commorantes , confessione peccatorum suorum audita , et pœnitentia saluari injuncta , eos et eorum quemlibet ab omnibus et singulis eorum peccatis , etiam in Bulla Cœnæ Domini reservatis , et à consequentibus censuris et pœnis absolvere : et cum

Dispensare in gradibus jure divino non prohibitis , in locis remotissimis.

Ecclesiarum erectio , et reformatio.

Ecclesiarum reconciliatio. Statuta condere.

Decedente Provinciuli alterius electio.

Potestas bis in die celebrandi.

in locis prædictis remotissimis , quæcumque , Ecclesias , Hospitalia , et alia pia loca , prout expediens fuerit , erigere : ac nunc , et pro tempore erecta reformare , sinè alicujus præjudicio , et vestes sacerdotales , pallas , corporalia , calices , altaria , cœmeteria (si Episcopus , qui ea faciat , Catholicus inibi non adsit) benedicere , ac profanatas ecclesias reconciliare possint : Et quæcumque statuta et ordinationes , desuper necessaria facere , illaque postquam facta fuerint , mutare , alterare , ac illis addere , et detrachere ; ac Præposito Provinciali in illis longinquis partibus residente decedente , interim dum alius per Generalem Præpositum mittitur , loco Præpositi sic decedentis , alium eligere liberè et licitè valeant. Et quia in numerosis populis illarum regionum , tanta est Sacerdotum raritas , ut unus plurium curam populorum suscipere debeat ; ut bis eodem die Missam celebrare , diversis in locis valeant : et insuper attentâ meditatione pensantes , quantum utilitatis ad exaltationem Christianæ fidei et Evangelicæ veritatis , Societatis prædictæ professores afferant , et afferre valeant , omnia et singula , gratias , immunitates , concessionem , privilegia , et indulta , antea per nos

eidem Societati, et illius Sociis, et personis quomodolibet concessa, quæ hic pro specificatis haberi volumus, approbantes, innovantes, et confirmantes, quòd Socii dictæ Societatis, qui alibi, quàm in urbe Roma, Professionem emittere non possunt, litteris Apostolicis ab ipsa Societate, ad id ob aliquas causas, ad tempus impetratis, non obstantibus, eisdem de licencia Præpositi Generalis prædicti, ut Professionem ipsam ubilibet emittere liberè et licitè valeant, concedimus et indulgemus. Nec non Ignatio, et aliis successoribus suis Præpositis Generalibus dictæ Societatis pro tempore existentibus, ut indultum aliàs per nos eidem Societati, super habendis viginti Coadjutoribus concessum, ad alios quoscumque, quos idoneos fore censuerint, sub eorum obedientia degentes extendere, et quascumque gratias, concessionis, et indulta eisdem Generalibus dictæ Societatis Præpositis pro tempore existentibus per Nos concessa, per eorum Vicarios, aut personas ad id sibi bene visas, præsertim in Indiarum, et aliis partibus remotis, pro tempore substitutas, exercere liberè et licitè valeant. Ac præsentis litteras, et in eis contenta quæcumque, ex quavis causa, de surreptionis, vel obreptionis, aut nullitatis vitio, seu intentionis nostræ defectu notari vel impugnari nullatenus posse: ac sub quibusvis suspensionibus, derogationibus, limitationibus, et aliis quibusvis contrariis dispositionibus, et gratiarum ac indulgentiarum concessarum derogatoriis, seu revocatoriis, etiam per nos, et Sedem eamdem, pro tempore concessis, nullatenus comprehendi, sed semper ab illis exceptas existere, ac suos plenarios effectus sortiri; et illarum

PAULI III.

Privilegiarum à se dutorum, Papæ confirmatio.

Professio ubique locorum emitti potest.

Coadjutores sine certo numero admitti possunt.

Gratias à Paulo III. concessas potest Generalis per alios exercere.

PAULI III. transumptis manu Notarii publici subscriptis , et
Transumptis sigillo alicujus Canonici Metropolitanæ, vel alterius
habentur fides. Cathedralis Ecclesiæ, seu personæ in dignitate Eccle-

siastica constitutæ munitis, eamdem prorsus fidem,
 quæ adhiberetur eisdem originalibus litteris, si fo-
 rent exhibitæ, vel ostensæ, ubique in judicio, et
 extra adhiberi debere; et sic per quoscumque Judi-
 ces, et Commissarios quavis etiam Apostolica aucto-
 ritate fungentes, sublata eis et eorum cuilibet quavis
 aliter judicandi et interpretandi facultate et auctori-
 tate, judicari et definiri debere; ac si secus super
 his à quoquam quavis auctoritate, scienter, vel
 Ignoranter contigerit attentari, irritum et inane de-

Societatejus-
que personæ
Principibus ac
Prælati com-
mendatur.
 cernimus: Ac dilectis in Christo filiis illustribus, et
 nobilibus viris, Principibus, ac Dominis temporali-
 bus, et venerabilibus fratribus, Prælati Ecclesiasticis
 in quavis dignitate constitutis prædictam Societatem
 ac singulos illius Socios plurimum in Domino com-
 mendantes; non solum nè eos inquietari, aut eorum
 privilegia violari permittant, sed ut benignè et cum
 caritate, ut decet, suscipiant, exhortamur, atque

Deputantur
Judices conser-
vatores.
 in Domino rogamus: et nihilominus universis et sin-
 gulis venerabilibus fratribus nostris, Archiepiscopis,
 Episcopis, ac dilectis filiis, Abbatibus, Prioribus,
 et aliis personis in dignitate Ecclesiastica constitutis,
 nec non Metropolitan., et aliarum Cathedralium Ec-
 clesiarum Canonici, ac eorundem Archiepiscopopo-
 rum, et Episcoporum Officialibus, et Vicariis gene-
 ralibus, ubilibet constitutis, per Apostolica scripta
 mandamus, quatenus ipsi, ac quilibet eorum, per
 se, vel alium, seu alios, præsentis litteras, et in
 eis contenta hujusmodi, ubi, et quando opus fuerit,

VARIA INDULTA ET PRIVILEGIA. xxxix

ac quoties pro parte dictorum Sociorum, vel alicujus eorum fuerint requisiti, solemniter publicantes, eisdemque Sociis in præmissis efficacis defensionis præsidio assistentes, faciant, auctoritate nostrâ, eosdem Socios litteris, et in eis contentis hujusmodi pacificè gaudere; non permittentes eos, aut eorum aliquem super præmissis, aut quibusvis aliis rebus, et causis per locorum Ordinarios, aut quoscumque alios, quomodolibet indebitè molestari; sed eos contra quoscumque cujuscumque conditionis, vel qualitatis existentes, et quavis etiam Patriarchali, Archiepiscopali, vel Episcopali, aut mundanâ dignitate ac exemptione fungentes et munitos, in quibusvis causis, justitiæ complementum ministrantes, id quod per eos ordinatum fuerit, ad executionem debitam perducere faciant: illosque quos censuras vel pœnas prædictas incurrisse constiterit, excommunicatos ac interdictos declarent, ac faciant et mandent publicè nuntiari, ac ab omnibus arctiùs evitari, et legitimis super his habitis et habendis processibus servatis, illos, quoties opus fuerit, iteratis vicibus aggravare procurent: contradictores auctoritate Nostrâ, appellatione postpositâ, compescendo, invocato etiam ad hoc, si opus fuerit, auxilio brachii sæcularis. Non obstantibus constitutionibus, et ordinationibus, ac juramento, confirmatione Apostolicâ, vel quavis firmitate aliâ roboratis, statutis, et consuetudinibus, nec non privilegiis, indultis, et litteris Apostolicis S. Benedicti, et S. Francisci, ac Mendicantium, et aliis Ordinibus supradictis, illorumque Prælati et personis, etiam super non communicandis gratis sibi concessis, et aliâs quomodolibet per Nos et Sedem

PAULI III.

*Non obstant
huic privilegio
ullis aliorum.*

PAULI III. præfatam concessis, confirmatis, ac etiã iteratis vicibus innovatis, etiã Mari magno, Bulla aurea, et aliàs quomodolibet nuncupatis, quibus, illorum tenores præsentibus pro sufficienter expressis, et insertis habentes, illis aliàs in suo robore permansuris, hac vice specialiter et expressè derogamus, cæterisque contrariis quibuscumque. Nulli ergo omnino hominum liceat hanc paginam nostrorum concessio-
num, statutorum, ordinationis, confirmationis, inhibitionum, exemptionis, liberationis, susceptionis, decretorum, voluntatum, elargitionis, relaxationis, exhortationis, rogationis, mandati, et derogationis infringere, vel ei ausu temerario contra ire. Si quis autem hoc attentare præsumperit, indignationem omnipotentis Dei, ac beatorum Petri et Pauli Apostolorum ejus se noverit incursurum. Datum Romæ apud Sanctum Marcum, anno Incarnationis Domini-
cæ M. D. XLIX. xv. Kal. Novembr. Pontificatûs nostri anno Quintodecimo.

G. Grolletti.

F. De Jafer proinagistris.

PII VII.

CONSTITUTIO QUA SOCIETAS JESU

IN STATUM PRISTINUM

IN UNIVRSO ORBE CATHOLICO RESTITUITUR.

ANNO M. D. CCC. XIV.

*PIUS Episcopus servus servorum DEI, ad
perpetuam rei memoriam.*

Sollicitudo omnium Ecclesiarum humilitati Nostræ, meritis licet et viribus impari, DEO sic disponente concredita, Nos cogit omnia illa subsidia adhibere, quæ in nostra sunt potestate; quæque à Divina Providentia Nobis misericorditer subministrantur, ut spiritualibus Christiani Orbis necessitatibus, quantum quidem diversæ, multiplicesque temporum, locorumque vicissitudines ferunt, nullo Populorum et Nationum habito discrimine, opportunè subveniamus.

PII VII.

Hujus Nostri Pastoralis Officii oneri satisfacere cupientes, statim ac tunc in vivis agens Franciscus Kareu, et alii Sæculares Presbyteri à pluribus annis in amplissimo Russiaco Imperio existentes, et olim addicti Societati JESU à felicis recordationis Clemente XIV, prædecessore nostro suppressæ, preces Nobis obtulerunt, quibus facultatem sibi fieri supplicabant, ut Auctoritate nostrâ in unum Corpus coalescerent, quo faciliùs Juventuti Fidei rudimen-

*Presbyteri in
Imperio Rus-
siaco existen-
tes, olim So-
cietati Jesu ad-
dicti Pontifici
supplicarunt,
ut in unum
Corpus coales-
cerent.*

Pii VII.

tis erudiendæ, et bonis moribus imbuendæ, ex proprii Instituti ratione operam darent, munus prædicationis obirent, Confessionibus excipiendis incumbere, et alia Sacramenta administrarent: eorum precibus eò libentiùs annuendum Nobis esse

Idem à Paulo I. Imperatore impensè commendati.

duximus, quòd Imperator Paulus Primus tunc temporis regnans eosdem Presbyteros impensè Nobis commendavisset humanissimis Litteris suis, die undecimâ Augusti, anni Domini millesimi octingentesimi ad Nos datis, quibus singularem suam erga ipsos benevolentiam significans, gratum sibi fore declarabat, si Catholicorum Imperii sui bono Societas JESU Auctoritate nostrâ ibidem constitueretur.

Facultas concessa, ut in unum Corpus Societatis JESU conjungantur intra fines Imperii Russiaci.

Quapropter, Nos attento animo perpendentes quàm ingentes utilitates in amplissimas illas Regiones, Evangelicis operariis propemodùm destitutas, essent proventuræ, quantumque incrementum ejusmodi Ecclesiastici viri, quorum probati mores tantis laudum præconiis commendabantur, assiduo labore, intenso salutis Animarum procurandæ studio, et indefessâ Verbi Divini prædicatione Catholicæ Religionis essent allaturi, tanti tamque benefici Principis votis obsecundare rationi consentaneum existimavimus. Nostreis itaque in forma Brevis litteris datis die septimâ Martii anni Domini millesimi octingentesimi primi prædicto Francisco Kareu, aliisque ejus Sodalibus in Russiaco Imperio degentibus, aut qui aliundè illuc se conferre possent, facultatem concessimus, ut in unum Corpus seu Congregationem Societatis JESU conjungi, unirique liberum ipsis esset, in una vel pluribus domibus arbitrio Superioris, intra fines duntaxat Imperii Russiaci

designandis ; atque ejus Congregationis Præpositum Generalem eundem Presbyterum Franciscum Kareu ad Nostrum et Sedis Apostolicæ beneplacitum deputavimus cum facultatibus necessariis et opportunis , ut Sancti Ignatii de Loyola Regulam à felicis recollectionis Paulo Tertio prædecessore nostro Apostolicis suis Constitutionibus approbatam et confirmatam retinerent et sequerentur ; atque ut hoc pacto Socii in uno Religioso cœtu congregati Juventuti Religioni , ac bonis Artibus imbuendæ operam dare , Seminaria et Collegia regere , et probantibus ac consentientibus locorum Ordinariis Confectiones excipere , Verbum Dei annuntiare , et Sacramenta administrare liberè possent ; et Congregationem Societatis JESU sub Nostra et Apostolicæ Sedis immediata tutela et subjectione recepimus , et quæ ad illam firmandam et communiendam , atque ab abusibus et corruptelis , quæ fortè irrepsissent , repurgandam visum fuisset in Domino expedire , Nobis ac Successoribus nostris præscribenda et sancienda reservavimus : atque ad hunc effectum Constitutionibus Apostolicis , statutis , consuetudinibus , privilegiis , et indultis quomodolibet in contrarium præmissorum concessis et confirmatis , præsertim litteris Apostolicis memorati Clementis XIV. prædecessoris nostri incipientibus : *Dominus ac Redemptor Noster* , expressè derogavimus in iis tantùm , quæ contraria essent dictis Nostris in forma Brevis litteris , quarum initium : *Catholicæ* , et dumtaxat pro Russiaco Imperio elargitis.

Consilia , quæ pro Imperio Russiaco capienda decrevimus , ad utriusque Siciliæ Regnum non ita *Facultatis
ejusdem exten-*

Pu VII. multò post extendenda censuimus, ad preces charissimè in Christo Filii nostri Ferdinandi Regis, qui à Nobis postulavit, ut Societas JESU eo modo, quo in præfato Imperio stabilita à Nobis fuerat, in sua quoque Ditione ac Statibus stabiliretur; quoniam luctuosissimis illis temporibus ad Juvenes Christianâ pietate ac timore Domini, qui est initium Sapientiæ, informandos, doctrinâque, et scientiis instruendos præcipuè in Collegiis, Scholisque publicis Clericorum Regularium Societatis Jesu operâ uti in primis opportunu sibi arbitrabatur. Nos ex muneri nostri Pastoralis debito piis tam illustris Principis desideriis, quæ ad majorem DEI gloriam, Animarumque salutem unicè spectabant, morem gerere exoptantes, Nostras litteras pro Russiaco Imperio datas ad utriusque Siciliæ Regnum extendimus novis in simili forma Brevis litteris incipientibus: *Per alias*, expeditis die trigesimâ Julii anni Domini millesimi octingentesimi quarti.

Christiani Orbis preces pro restitutione Societatis Jesu. Pro ejusdem Societatis JESU restitutione unanimi ferè totius Christiani Orbis consensu instantes, urgentesque petitiones à Venerabilibus Fratribus Archiepiscopis et Episcopis, atque ab omnium insignium Personarum ordine et cœtu quotidie ad Nos deferuntur: præsertim postquam fama ubique vulgata est uberrimorum fructuum, quos hæc Societas in memoratis Regionibus protulerat, quæque prolis in dies crescentis sæcunda Dominicum agrum latissimè ornatura et dilatatura putabatur.

Necessitates publicæ idem affligant. Dispersio ipsa lapidum Sanctuarii ob recentes calamitates, et vicissitudines, quas defflere potiùs juvat, quàm in memoriam revocare, fatiscens Disci-

plina Regularium Ordinum (Religionis et Ecclesiæ Catholicæ splendor, et columen) quibus nunc reparandis cogitationes curæque nostræ diriguntur, efflagitant, ut tam æquis et communibus votis assensum nostrum præbeamus. Gravissimi enim criminis in conspectu DEI reos Nos esse crederemus, si in tantis Reipublicæ necessitatibus ea salutaria auxilia adhibere negligeremus, quæ singulari providentiâ DEUS Nobis suppeditat, et si Nos in Petri navicula assiduâ turbinibus agitata et concussa, collocati, expertes et validos, qui sese Nobis offerunt, Remiges ad frangendos Pelagi naufragium Nobis et exitium quovis momento imitantis fluctus respueremus.

Tot ac tantis rationum momentis, tamque gravibus causis animum Nostrum moventibus id exequi tandem statuimus, quod in ipso Pontificatûs Nostri exordio vehementer optabamus. Postquam igitur Divinum auxilium ferventibus precibus imploravimus, suffragiis et consiliis plurium Venerabilium Fratrum Nostrorum Sanctæ Romanæ Ecclesiæ Cardinalium auditis, ex certa scientia, deque Apostolicæ potestatis plenitudine ordinare et statuere decrevimus, uti revera hac nostrâ perpetuâ valiturâ Constitutione ordinamus et statuimus, ut omnes Concession-
es et facultates à Nobis pro Russiaco Imperio et utriusque Siciliæ Regno unicè datæ, nunc extensæ intelligantur, et pro extensis habeantur, sicut verè eas extendimus, ad totum Nostrum Statum Ecclesiasticum, æquè ac ad omnes alios Status et Ditiones.

Quarè concedimus et indulgemus dilecto filio Presbytero Thaddæo Borzozowski moderno Præposito Generali Societatis JESU, uliisque ab eo le-

*Concession-
es pro Imperio
Russiaco, et
utriusque Sici-
liæ Regno ex-
tenduntur ad
Statum Eccle-
siasticum æquo
ac ad omnes
alios.*

*Omnes in So-
cietatem Jesu
admissi suam
vivendi ratio-*

Pri VII. nem accommo- *gitimè deputatis omnes necessarias et opportunas*
dent ad præ- *facultates ad Nostrum et Sedis Apostolicæ benepla-*
scriptum Re- *citum, ut in cunctis præfatis Statibus et Ditionibus*
gulæ S. Igna- *omnes illos, qui in Regularem Ordinem Socie-*
tatis Apostolicæ *tatis Jesu admitti et cooptari petent, admittere et*
Pauli III. Con- *cooptare liberè ac licitè valeant; qui in una vel plu-*
stitutionibus *ribus Domibus, in uno vel pluribus Collegiis, in*
approbatæ. *una vel pluribus Provinciis sub Præpositi Genera-*

Juventutis
eruditio, et alia
Societatis mi-
nisteria.

Societas sub
immediata Se-
dis Apostolicæ
obedientia re-
cipitur.

Socios ex-
hortatur, ut

et declaramus quòd pariter Juventuti Catholicæ Religionis rudimentis erudiendæ, ac probis moribus instituendæ operam dare, necnon Seminaria et Collegia regere, et consentientibus atque approbantibus Ordinariis locorum in quibus eos degere contigerit, Confessiones audire, Verbum Dei prædicare, et Sacramenta administrare liberè et licitè valeant: omnia verò Collegia, Domus, Provincias, Sociosque sic conjunctos, et quos in posterum conjungi et aggregari contigerit, jam nunc sub immediata Nostra et hujus Apostolicæ Sedis tutela, præsidio, et obedientia recipimus; Nobis et Romanis Pontificibus successoribus nostris reservantes ea statuere ac præscribere, quæ ad eamdem Societatem magis magisque constabiliendam et communiendam, et ab abusibus, si fortè (quod Deus avertat) irrepserint, repurgandam, statuere ac præscribere visum fuerit expedire.

Omnes verò et singulos Superiores, Præpositos, Rectores, Socios, et Alumnos qualescumque hujus

DE SOCIETATIS JESU RESTITUTIONE. XLVII

restitutæ Societatis quantum in Domino possumus Tu VII.
 commonefacimus, et exhortamur, ut in omni loco *Regulam accu-*
 ac tempore sese fideles Asseclas et imitatores tanti *ratè observent.*
 sui Parentis et Institutoris exhibeant, Regulam ab
 ipso conditam et præscriptam accuratè observent,
 et utilia monita ac consilia quæ Filiis suis tradidit
 summo studio exequi conentur.

Deniquè dilectis in Christo Filiis illustribus et *Societas*
 nobilibus Viris, Principibus, ac Dominis tempo- *commendatur*
 ralibus, necnon Venerabilibus Fratribus Archiepis- *Ecclesiæ Præ-*
 copis et Episcopis, aliisque in quavis Dignitate con- *latis, et Do-*
 stitutis sæpeditam Societatem JESU, et singulos illius *minis tempo-*
 Socios plurimum in Domino commendamus, eosque *ralibus.*
 exhortamur, ac rogamus non solum ne eos inquie-
 tari à quocumque permittant, ac patiantur, sed
 ut benignè illos, ut decet, et cum charitate sus-
 cipiant.

Decernentes præsentis Litteras, et in eis contenta *Præsentis*
 quæcumque semper ac perpetuò firma, valida, et *litteræ ab om-*
 efficacia existere, et fore, suosque plenarios, et *nibus obser-*
 integros effectus sortiri et obtinere, et ab illis, ad *vandæ.*
 quos spectat, et pro tempore quodocumque spec-
 tabit, inviolabiliter observari debere, sicque, et non
 aliter per quoscumque Judices quavis potestate fun-
 gentes judicari et definiri pariter debere; ac irritum *Sic judicari*
 et inane, si secùs super his à quoquam quavis auc- *debere.*
 toritate scienter vel ignoranter contigerit attentari.

Non obstantibus Constitutionibus et Ordinationi- *Non obstan-*
 bus Apostolicis, ac præsertim supramemoratis Lit- *tibus, etc.*
 teris in forma Brevis felicitis recordationis Clementis
 decimiquartii incipientibus: *Dominus ac Redemptor*
Noster, sub Annulo Piscatoris expeditis die vige-

Pa VII. sinaprimâ Julii anni Domini millesimi septingentesimi septuagesimi tertii, quibus ad præmissorum effectum expressè ac speciatim intendimus derogare, cæterisque contrariis quibuscumque.

Transumptis Volumus autem, ut earundem præsentium Litterarum transumptis, sive exemplis, etiam impressis, manu alicujus Notarii publici subscriptis, et sigillo Personæ in Ecclesiastica Dignitate constitutæ munitis, eadem prorsus fides in judicio et extrâ adhiheatur, quæ ipsis præsentibus adhiberetur, si forent exhibitæ vel ostensæ.

Nulli ergò omnino hominum liceat hanc paginam Nostræ ordinationis, statuti, extensionis, concessionis, indulti, declarationis, facultatis, receptionis, reservationis, moniti, exhortationis, decreti, et derogationis infringere vel ei ausu temerario contra ire; si quis autem hoc attentare præsumpserit indignationem Omnipotentis Dei, ac beatorum Petri et Pauli Apostolorum ejus se noverit incursurum.

Datum Romæ apud Sanctam Mariam Majorcm, anno Incarnationis Dominicæ M. D. CCC. XIV. Septimo idus Augusti, Pontificatûs nostri anno quintodecimo.

A. Card. Pro-Datarius.

R. Card. BRASCHI ONESTI.

VISA

De Curia D. Testa.

Loco $\frac{1}{2}$ Plumbi.

F. LAVIZZARIUS.

Registrata in Secretaria Brevium.

VA1 1537065

